

e-BULETIN JSKM

Cabaran Wanita

Muniroh Hamat

Antara Menarik di Dalam

- Generate e-Certificates with Autocrat
- Symbolab Matrices
- JJCM Hatyai
- Jika Diri Diuji
- Tentang Kamu
- Pengurusan Rekod
- Musafir Haji
- Wira Sejati

Edisi April 2023



SETINTA KATA DARI KOORDINATOR

Ts. Dr. Rozita Kadar



Assalamualaikum Warahmatullahi Wabarakatuh dan salam sejahtera.

Setinggi-tinggi syukur ke hadrat Allah SWT kerana dengan izin-Nya, e-Buletin Edisi ke-9 ini berjaya diterbitkan. Di kesempatan ini saya ingin merakamkan penghargaan dan jutaan terima kasih kepada seluruh Jawatankuasa Unit Penerbitan e-Buletin Jabatan Sains Komputer dan Matematik (JSKM) dalam usaha merealisasikan penerbitan ini. Penerbitan e-Buletin ini adalah salah satu bukti dari usaha dan dedikasi yang tinggi oleh Jawatankuasa Unit Penerbitan e-Buletin JSKM ke arah membantu menghasilkan karya yang berkualiti dalam kalangan pensyarah JSKM. Syabas diucapkan.

Penghargaan ini juga dituju kepada semua pensyarah yang sama-sama memberi sokongan dalam menyumbangkan bahan-bahan penulisan untuk diterbitkan didalam e-Buletin pada kali ini. Karya-karya yang diterbitkan ini memperlihatkan satu usaha yang luar biasa oleh pensyarah dalam bidang penulisan. Saya yakin e-Buletin ini akan memberikan manfaat yang besar kepada pembaca dan memperlihatkan bahawa warga JSKM mempunyai bakat yang hebat dalam bidang penulisan. Terima kasih sekali lagi kerana memberikan sokongan yang besar dalam penerbitan ini. Teruskan usaha anda yang hebat ini dan saya berharap anda akan terus mencapai kejayaan yang lebih besar lagi di masa depan.

Seperti kita sedia maklum, penerbitan ini sedikit sebanyak dapat menjadi sebagai salah satu platform untuk kita melakarkan peristiwa dan perkembangan semasa serta info-info terkini yang berlaku di dalam JSKM. Tidak ketinggalan juga penerbitan laporan-laporan yang merakamkan aktiviti-aktiviti JSKM sepanjang tahun lalu. Di sini, saya ingin mengambil kesempatan untuk mengucapkan terima kasih kepada warga JSKM yang aktif melibatkan diri dalam aktiviti peringkat JSKM seterusnya menyumbang kepada peningkatan prestasi JSKM. Warga JSKM sekalian telah memberikan contoh yang hebat dalam mendukung dan memperjuangkan kemajuan JSKM. Kerja keras dan semangat anda dalam memberikan sokongan demi kemajuan JSKM tidak ternilai harganya.

Teruskan usaha yang hebat ini dan saya yakin bahawa kita semua akan terus mencapai kejayaan yang lebih besar lagi di masa depan. Kepada semua yang terlibat dalam usaha ini, terima kasih kerana telah memberikan usaha dan sumbangan yang besar dalam mencapai kejayaan dalam penerbitan e-Buletin pada kali ini. Akhir kata, semoga e-Buletin Edisi ke-9 ini dapat dimanfaatkan dengan sebaik-baiknya oleh kita semua. Untuk edisi-edisi yang akan datang, saya mendoakan agar warga JSKM akan terus memberi sokongan kepada penerbitan ini dengan berkongsi idea melalui sumbangan karya, artikel dan bahan terbitan lain.

Selamat membaca. Sekian, terima kasih.